

COMUN: La domënia, ai 26 de ma, é da jí a lité i rapresentanc dla Talia tl parlamënt europeich. Chirisse bele sègn la cherta da lité. Chi che l'à apostada, dess passé te comun a s'la tò. Sc'i ne la ciafëis nia, o sc'ara é bele scritta fora deplëgn, podëise passé dai 13 de ma inant tratan les ores d'ofize te comun a se tò n duplicat o na cherta da lité nòia.

Racoiüda dl refodam da tosser l'ater lõnesc ai 20 de ma, dales 11.00, a San Martin dan le magazin di stödafüch (l'ater iade pormò al 1 de messé)

SAN MARTIN y LUNGIARÜ

Invit ala oraziun de Taizé en vëndres, ai 17 de ma, dales 20.00, sö Oies.

Les Uniuns di Seniors S. Martin y Antermëia y da Lungiarü vá a Völs am Schlern en jöbia, ai 16 de ma. Da Lungiarü dales 7.15 y da S. Martin dales 7.30. Cost: 20 euro - vignun se paia la marëna. Anunziesse cina ai 14 de ma pro Alfred 333 36 54 786 o Annelies 346 35 87 173. *(ciarede ultima plata)*

Les Patrones dla Val Badia mët a jí n peregrinaje sö Oies cun les Patrones de Puster. I s'incuntun en jöbia, ai 16 de ma, dales 13.30 dan dljia de San Linert y jun adöm en prozesciun sö Oies a tò pert ala Santa Mëssa dales 14.30; dedò é dötes inviadés a na picia marëna tla Ciasa Runcher jö San Linert al prisc de 6 euro; präibel prenotesse defata al nr. 340 48 52 968 – Evelin

Nos Jogn metun a jí en sabeda, ai 18 de ma, le batadú di jogn a nivel de comun. Ince jogn foradecá pó tò pert, mo un di dui cartadus mëss ester dl comun. I s'incuntun dales 19.30 tl Istitut Ladin a San Martin por odëi cai che é i mius. Ince chi che ne cherta nia é dër bel inviadé da gní a sté en compagnia.

SAN MARTIN

I Stödafüch da San Martin lascia alsavëi che l'atra sabeda, ai 25 de ma, vëgnel controlé dales 08.30 ales 10.30 i destodadus da polber (Pulverlöscher) tl magazin di stödafüch da San Martin.

La Uniun dles Ères mët a jí n iade por sanc a Weißenstein le vëndres ai 31 de ma. Prenottesse cina le vëndres, ai 24 de ma, pro Rosa 320 37 15 113 o pro Margareth 339 31 15 679. Düc é inviadé, ères y ëi!

En dedemesaledema vëgnel indò sié la cortina; chi che sciafia é peria da gní a daidé. Sc'al é bur tēp vëgnel sié le de do.

LUNGIARÜ

Ciaredi al invit ala jita dla Uniun di Seniors cassò dessura; anunziesse atira.

Le KVV da Lungiarü inviëia ia jí n curs da fá pan cun farina intiera tigní da Hermann Dapoz, ai 14 de ma. Prenotaziuns y info 348 70 21 582.

La Ciasa de Palsa forma na gradatöra por ejams por l'inciaria de personal da puzenë cualifiché/inserviënt dla 2^a cualifica funzionala. Condiziuns d'azes: lizënza dla scora elementara o contlujun dla scora d'oblianza y zertificat de trilinguism D/A2. Al pó tò pert aspiranc/antes dl grup linguistich ladin.

La gradatöra ará la dorada de 1 n ann. I/les aspiranc/antes mess indiché tla domanda de ester disponibli/es por inciaries a tēp determiné (de dorada còrta) a tēp plëgn y/o parzial 76,32 %. Les domandes sòn le formular prestampé (da descárié dala plata internet www.ciasadepalsa.it) o sòn cherta scēmpla cun i documēnc scric dant, mëss gní presentades tl scretariat dla Ciasa Palsa cina les 12.00 di 31.05.2019. Info te scretariat o 0474 524 700.



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

12.05. – 19.05.19 nr. 24

ultimo termo por comunicaziuns: jöbia dales 20.00

radio: 90,40 / 93,70

4^a DOMÈNIA DE PASCA – C

Vangele do Jan 10,27-30

Te chël tēp à Gejù dit:
Mies bisces ascuta mia usc;
iö les conësci y ares me vëgn do.
Iö ti dà vita eterna.
Ares ne jarà mai ademal
y degügn ne me les straciara
fora de mia man.
Mi Pere, che me les à dè,
é plü gran co düc,
y degügn n'è bugn da ti les stracé
fora dla man a mi Pere.
Iö y le Pere sun na cossa sóra.

*Gejú nes baia dötaurela ados
cun süa parora, cun süa vijinanza
cun so aiüt y tres porsones
che ascuta süa parora y ti vá do.*



Sc'i se lasciun incorajé dala festa de Pasca y dala fede tl Ressorí podunse jí adincuntra a vigni insegurëza y vigni tēma,
Sc'i confidun deplëgn te Gejú, le Bun Famëi, che é un cun Chël Bel Dî y che nes inviëia pomez a süa mësa y nes scinca vita eterna,
spo á chësc de gran consequēzes por nos instësc y por nüsc raporc cun i atri:
Sciöche credēnc y sciöche Dljia sunse tl inom de Gejú famëis un por l'ater por gauja dl'inciária ch'i un ciafé da d'ël.

Sc'i sun famëis, sunse un por l'ater responsabli dla vita y dla salvëza de vignun, y sciöche famëis messunse ester porsones fedeles y afidables a chëres ch'an pó ti avëi crëta y sòn chëres ch'an pó se lascé.

En chësta domënia dl „Bun Famëi“, dedicada ales vocaziuns y profesziuns religioses, orunse sciöche mëmbri dla Dljia perié che Idî chërdes y che süa cherdada vëgnes aldida. I periun ince un por l'ater y por la vocaziun de vignun, y ch'i sunse un por l'ater famëis.

	SAN MARTIN	LUNGIARÜ	DE DLA UMA
12.05.19 4ª DOMÈNIA DE PASCA – C Prozesciun da S. Linert sò Oies dales 14.00 por vocaziuns De dla uma	Festa dla Pröma Comuniun 9.30 Ingres te dljia Gran Mëssa cun i Comunicanc 19.30 Corona de ma sò Ju	7.55 Corona de ma 8.15 Gran Mëssa dla Comunité + Vito Clara + Carlo Planatscher 15.00 Corona tla capela de S. Ujöp	I te diji dilan, oh Dî plëgn de bunté, por mia uma tan demorvëia! Ara m'á scinché la vita. Ara á fistidié por me cun gran finëza y m'á daidé da dé i pröms vari. Ara m'á insigné da perié a da avëi confidënza en te. Ara me cuntâ stories, me liô dant y me metô a rí. Ara â ligrëza por ci ch'i imparâ lapró y ê bun da arjunje. Degügn ne m'á consolé deplü co ëra sc'i â da patí o sc'ara me jô mal. Benedëscela y mët so cör en pesc. Dái inant forza de vita y ejaudësc i dejiers de so cör.  NA SCINCUNDA ALTERNATIVA Tan gonot ch'i ne savun nia ci scinché! Pacli por scora, cioures, galüc y d'atres scincundes che pó gní apostades tres la Caritas y che vëgn dades inant a jënt dala meseria por survivire. Chëstes scincundes pó gní apostades por internet www.caritas.bz.it o ince tl ofize dla Caritas a Bornech, str. Paul von Sternbach 6, tel. 0474 414 064. Le scincadú ciäfa n zertificat cun na dedica ch'al pó spo ti dé ala porsona a chëra ch'al ess orü ti scinché val' por compliann, aniversar o d'atres gaujiuns. Ciarede dô plü avisa tl Sonntagsblatt nr. 19 di 05.05.2019 a plata 20.
13.05.19 Lönesc Santa Maria da Fatima, Servaz	19.30 Corona de ma a Picolin	19.30 Mëssa en onur de S. Maria da Fatima + Heinrich Frenademetz + + de Sepl y Maria Clara, Somví 20.00 Incuntada cun i geniturs di Comunicanc	
14.05.19 Dedolönesc Bonifaz, Costanz	15.30 Mëssa sò Frëina families de Martin Verginer + Erwin Rungger		
15.05.19 Mercui Sofia, Sonia, Isidor	19.30 Corona de ma a Bioch 20.00 Corona de ma sò Frëina	7.50 Mëssa di scholars dedô corona de ma dl ann + Iaco Misch vis y def. de fam. Angel Sorà	
16.05.19 Jöbia Jan Nepomuck, Ubald	7.30 Mëssa di scholars + Helmut Dejaco (dl ann) + + Paul y Frieda Vantsch Corona por vocaziuns	19.30 Corona de ma fora dala Grota	
17.05.19 Vëndres Dietmar, Emilian Confesciuns sò Oies dales 16.30 - 18.00 cun siur Andreas Perathoner	18.30 Adoraziun chîta y confesciuns 19.00 Adoraziun deboriada	7.30 Mëssa en onur de S. Ujöp Freinademetz dl ann + Albino Clara + Zita Dapoz	
18.05.19 Sabeda Jan, Felix, Erich	15.30 Mëssa tla Ciasa de Palsa 18.30 Mëssa prefestia por i nüc Dolores y Matteo dl ann + Paul Vantsch dl ann + Pire Sorà	14.00 Noza de Roman Clara y Monica Irsara degöna Mëssa da sëra	
19.05.19 5ª DOMÈNIA DE PASCA - C	7.45 Corona 8.15 Gran Mëssa por la Comunité 19.30 Corona de ma sò Ju	Festa dla Confermaziun 9.30 Ingres dala plaza dla scora Confermaziun cun siur Eugen Runggaldier di Cresimanc da San Martin Lungiarü y Antermëia - Eucaristia 15.00 Corona tla capela de S. Ujöp	
Le Sorvisc ai Jogn Val Badia pîta dai 22 de ma inant n sorvisc de consulënza y orientamënt por jogn, jones y geniturs sön chestiuns che reverda la jonëza y l'educaziun. Orar: vigni secundo y cuarto dedemesaledema/mercui dl mëis dales 09.30 ales 11.30 tl Zënter Pedagogich a Picolin (alzada -1) y vigni secundo y cuarto vëndres dl mëis tl ofize dl Zënter dla jonëza y dla cultura SaJ.un a La Ila (Ciasa dla Cultura, alzada -2) dales 13.00 ales 15.00. Al n'é nia debojëgn da se prenoté y la consulënza é debann. Por informaziuns: barbara@jogn.org o 342 84 10 721.			